

愈遠矣誠之誠之

已上一卷信士張善福 周董  
張瑾 顧氏妙清 保奴 施財重  
刊報答四恩三省者

天目中峯和尚廣錄卷第五之下

韓七

十四未

天目中峯和尚廣錄卷第六

韓八

參學門人北庭臣僧慈寂

上進

書問

答潘王書 來書附

弟子太尉潘王王璋頓首百拜和南天目中峯和尚大禪師座下惟璋眇德叨預

韓八

天媯爵祿雖榮常遵佛化仰靈山之付屬懷覺樹之潛輝每對真容誠切瞻戀至於脩崇勝事聽演教乘頗嘗及矣而禪宗向上一著罔知所趣伏審吾師道傳天目名簡帝心良以江山迢遙尚阻執侍渴仰醍醐

思霑花雨極懸懸也緬想天人叶贊法候勝常今專遣洪鑰謹齋信香代伸禮敬久嚮和尚養高泉石他方多請住持曾未垂諾柰無相法身欲隱彌露曷若出世度生廣開利益然聞江南靈蹤聖境久欲遊觀秋冬間儻得旨南來首當參扣願興

悲濟先此布區區幸祈法照

某為學既昧於道無聞廁影僧園濫叨田服捫心揆己夙夜恐惶伏惟閣下位冠百辟爵居名王天媯懿親為國尊行合浪性海巨筏為佛雄藩仁聲仁聞被乎寰區有德有言無愧簡冊願某何人敢當垂念過蒙洪叅軍與

奇長老冒塵觸暘徒步登山出王鈞械侑之厚幣辭情懇懇自敵以下有不敢當者而况大王年德名位振耀皇家者哉盥沐熏香對信使展讀雖山林泉石增助光潤其如某之愧悚何觀信使之聰明有以知大王之通貫無礙也因與信使話及世尊於二千年外將

過去諸佛已轉法輪一音演唱而諸弟子結集為一大藏教布之寰宇實祛情遣妄指瑕摘疵之無上法寶當時一印印定迨今無所加損王亦於過去佛所親蒙授記其大施之門已嘗啓於彼而乃應於今日也豈惟應于今日將見綿續不斷入未來際不可窺其涯

淡者矣故佛以智慧而現法藏王以布施而廣經教布施乃六度之首智慧乃六度之終咸具波羅蜜體而無間然者也夫有文字相是謂教離文字相是謂禪即其所有而離是謂功德惟其所離而有是謂莊嚴如是至理在王已分有自來矣茲承示諭於禪門向上

韓八

二

一著子未有所聞似不勞過遜也然禪門言向上向下者乃一時建立之方便巧辭非實有也記昔僧問古德曰學人不識佛乞師指示德曰我言恐爾不信僧曰和尚重言焉敢不信德曰即爾便是僧曰如何保任德曰一翳在目空花亂墜後有尊宿舉此公案乃云

古德答此僧所問如百二十斤重擔此僧一肩荷負驀直便行更不回顧可謂有力者也此說安有向上者哉貴在信根猛利決定不退轉久之無有不獲其悟入者管見若此又承諭及某不肯住持之說斯言似為過情使某苟有一毫利益於人而獨擅其退休閑逸

之計不思法道之隆替誠法門之罪人也正以自救不暇故當退道豈有它哉惟王諒之聞王駕有江南遊覽之念夫以王心虛明物境洞照能徧涉法界於不動神情之頃恐不待走輕車策駿駟然後為得也信筆觀縷山野無文下情不勝媿汗之至伏幸矜悉

### 與嗣潘王

其一介魯鈍分守窮山頗知佛祖之道為濟世舟航以其自救未能焉敢濫膺主法者之任不謂過情之譽上千尊王海印大居士之聽遠賜寶緘委洪參軍奇長老冒暑入山焚香展誦感愧奚文因話次奇長老宣傳王旨

韓八

三

俾書法語一篇以資玄路切謂一國之主遊  
刃羣機以寧海宇何暇存神內典以親方外  
之學乎教中有言菩薩夙乘般若智力示爲  
人主以夙習濃厚不爲富貴之所籠絡於六  
波羅蜜四無量心念念策勛念念成就未嘗  
斯須暫忘者殆非一生兩生爲人主也何以  
知其然十金之家沉酣五欲不暇他顧而况  
富有國土乃爾孜孜于聖賢之道非夙植德  
本何能若此惟是富貴易於移人故佛許之  
以生生脩證成熟菩提然禪宗門下以無脩  
而脩絕證而證無脩故直見自心絕證故見  
心即佛心不可見以悟爲見佛不可即忘悟

爲即故古宿謂學以悟爲難悟以忘爲難忘  
以行爲難如是三難初無定論在信根之深  
淺志願之重輕耳惟王之信根決定是深志  
願天然其重若夫信根不深志願不重則應  
念爲諸欲因緣所移安肯寄音於無似野僧  
需入道之語耶教中有天鼓忽鳴謂諸天子

曰諸法苦空無有真實勿貪五欲以快一時  
當力求道果以悟本來然本來既悟回觀天  
樂特夢幻爾學道有三種正見第一要念得  
生死無常大事真切畢其形命不肯放過第  
二要識破一切世間憎愛是非緣境不使一  
塵爲障爲惑第三要辦取一片長遠決定身  
心歲月愈久而志願益精假使久無所入雖  
三生五生亦不知其疲倦久之更無有不成  
就者或者謂道在一切處道在平常中只要  
人一切時中志思絕慮當念無心無心即道  
舍此復有何實法與人自取纏縛然此說亦  
未嘗不是殊不知未盡善也何則只如說箇

無心且心既曰無復教何人知其爲無耶苟  
存所知則不得爲無心矣或無所知則又同  
木石所以宗門中事須求妙悟謂悟者何悟  
此心耳此心既悟則曰有曰無俱成刺語前  
代諸尊宿與國王大臣酬酢此道初不曾有  
做工夫之說惟是單提此事俾之言下領悟

後來法久成弊但欲會禪多將情意識穿鑿解會但說得相似蓋不曾志心契悟生死岸頭了無交涉近代師僧不奈何將箇無義味話頭置之學人懷抱命其朝參夕究起大疑情參到心空念泯之際不覺不知以之悟入惟此一門最爲允當聞王興隆三寶備作佛

事獨不知於此事上曾究竟不如未留意因記得僧問古德云一念不起還有過也無德云須彌山日用中不妨舉此話默默自看如何是須彌山且須彌山之意作麼生道但與麼舉起來參取政當參時都不妨治國齊家營福脩善等事於此等事上亦不妨參此話

頭久久純熟忽爾開悟翻思老釋迦棄王宮入雪山見明星將謂有多少奇特元來鳳池淵底龍床角頭雖去二千年曾無一髮少間然後以此道治國則國無不治理民則民無不安崇福則福無不資祈壽則壽無不求豈特此爲然以至莊嚴真法界成就佛菩提無

所施而不可管見若此惟王諒之

答高麗白尚書

二使者至捧出珍翰兼承奇惠物意隆厚自非閣下篤信正法何以得茲蒙以四疑下問謹依來問一一奉答

一來問坐禪或云不在坐但四威儀中令心

第八

五

無放逸此可信乎 答梵語禪那此名思惟

脩亦名寂滅乃指一心之極致也教中有四種禪皆人天聲聞沉空滯寂用心偏向故少林不取焉今之叢林稱禪者遠宗少林單傳一心之要旨也此心遍在行住坐卧之間不局於一隅也雖不在坐亦不離坐也今之人

但知不在坐而不知不離坐也苟知不離坐則終日坐又何傷焉或不了此心謂不在坐則近狂蕩謂不離坐則近執縛二俱異見非至理也謂坐禪者必欲以悟心爲本此心既悟則四威儀皆是坐時此心未悟雖不離坐實未曾坐也

二來問一切佛經不解佛意但口常讀於理上亦有小功德否 答佛說一切經教為破執遣疑而設焉以世尊真實之說不虛凡執卷即獲勝利其言獲利者一以如來真實願力所致二以自己信心所成凡閱經教獲利之途非止一端隨其信向之淺深所蒙利益

之優劣俱不能外乎信心也且如展卷信云獲福即得福信云獲慧即得慧信云滅罪而罪即隨滅或不以信雖但口誦亦沾利益蓋聖人之至言非鄙俗游談之比曰功曰德云胡不具哉

三來問別法謂佛說一切法皆是佛法如何

更說別法此是落階級之法耶生天之法耶答教中有總別二義總者諸佛所致之一心也別者乃諸佛隨宜演唱之方便事也須知總不異別即一心現萬法也別不離總惟萬法皆一心也法無心外之法心非法外之心但迷悟之自分耳心迷故但見別法無總名

心悟故惟知一切皆總名佛法更無一物非總也但除却佛法大總持相不問生天生人生十法界中皆是階級也

四來問在家菩薩謂眼前妻子奴婢全然障道之本何名為菩薩此疑妄說 答昔維摩居士謂無住為家舍大慈悲為父隨順菩薩

韓八

六

母柔和忍辱妻智慧名為子方便即奴婢如是而受者名在家菩薩雖未獲如是解脫使置身於五欲塵勞者但存一念信佛法之正心念念欲遠離塵勞雖未即清淨亦可稱菩薩蓋菩薩之稱乃梵語耳華言道心但有向道之心則菩薩亦可通稱也

極理言之佛法無二無別總因一心建立心悟故山青水綠鵲噪鴉鳴更無一點不是佛法心迷故花池寶樹玉殿瓊樓更無一點不是世間法一大藏教祖師西來只要人悟此心自然一一不被差別名相所礙所以古人道夢裏明明有六趣覺後空空無大千如今

必欲要驚覺夢中所具之境別無方便但請  
發起一念決定信心叅箇四大分散時向何  
處安身立命話盡此餘生密密叅究久遠不  
退廓悟自心此心既明則世出世間聖凡差  
別一念混融更不容別有一法為分別也某  
雖未克瞻對其體道之論不過如此古人云

但辦肯心決不相賺

與海粟居士 馮待待子振

曩辱下訪繼領詩章枯槁之蹤過蒙提獎何  
以得此哉尋聞閣下奉 旨入覲而某亦

理浮遊之掉走淮沂返又復三年別來不識  
閣下於此道上能精加念力不令古利達之

韓八

二

士靡不知三界是大夢宅苟不曾一回親切  
警悟則與此所知之心俱落夢寐故吾法中  
目之曰所知障是也此障鈍根人無分惟利  
達者有之故少林初祖只令人外絕諸緣內  
心無喘心如墻壁乃可入道肯將胷中解會  
底百千道理猛與截斷俾之如墻壁一回忽

爾於墻壁處孔竇豁開千差萬別一以貫之  
曾何悟迷之有異同耶或孔竇不即開豁但  
今久持而不忘縱使盡生不了當鍼芥相投  
於異世矣安有虛棄之理哉所以佛祖教人  
深信而不疑惟閣下於吾道信根未嘗不深  
獨未見其於信處能脫略所知不世間浮光

幻影能幾何時向者鄙偈中有披衣終日坐  
茅堂之句嘗蒙閣下許我以踐之今日所謂  
貧人索舊債也

與大覺長老

大覺奉定叟也皇慶間罷運使  
定叟應命叟嘗歷職於關先舉  
山萬和尚會中後復叅師及出

世欲改嗣師師以是書却之今  
嗣一山

初六日分袂不及拜送懸情依依未能暫忘  
昨者坐語未及他論而首以住院承嗣扣之  
者惟恐足下苟徇世諦故也某與足下納交  
十六年彼此心懷洞然明白豈意足下不諒  
愚情反欲相及何臨事翻覆若此耶古人於

法嗣嫡傳所以深明宗系者大法源委不可  
 誣也世滴俗薄奉金請拂以院易嗣者有之  
 某嘗痛心於此夫大覺雖先師開山然十方  
 叢林儘有尊宿捨彼不取而必欲某尸之何  
 識量之不廣也某非畏住持實畏嗣法於開  
 山也故退避力辭而舉足下為之主政以足  
 下自師一山禪師豈可苟徇世俗而易其所  
 師哉由此言之某猶不欲以先師坐下人送  
 尸大覺而况牽枝引蔓欲為某之嗣乎聞命  
 駭然專挽逆流塔主預此拜聞望以玉峽之  
 音直與拈出或欲徇俗易嗣則某斷然不敢  
 與足下一日相聚也至扣至扣

韓八

八

五

天目中峯和尚廣錄卷第六

比五可持 與字四百字 歐圓鏡 助字一千  
 趙老良 胡氏妙清 趙文義 雙氏妙鏡  
 仲氏妙圓 黃德修 陳壽 吳義心  
 駱居仁 各題三百字 薛德依 助四百字

天目中峯和尚廣錄卷第七

參學門人北庭臣僧慈寂 上進

佛事

拈高麗金書法華經

此法華經藏深固幽遠無人能到今日因甚  
 麼却在幻住手中於斯薦得便見大海之東  
 大海之西大海之南大海之北一會靈山儼  
 然未散如其未委黃金自有黃金價終不和  
 沙賣與人

瞿運使卒哭藥師道場放生

紅芍藥邊方舞蝶碧梧桐裏正啼鶯目前大  
 道無遮障自是衆生沒路行由是今日藥師  
 如來與近故少中大夫兩浙都運瞿公於一  
 毫端上起大道場作百寶莊嚴佛事本上座  
 因齋慶讚普為諸舍識指箇路頭去也教中  
 道三界無法何處求心心不可求法將安寄  
 便見十方世界是清淨法身十方世界是藥  
 師十二願海審如是有羽者聽其高飛有足

韓八

九